

ՀԱՇՎԵՏՎՈՒԹՅՈՒՆ

Լևոն Մկրտչյանի՝ ս.թ. հունվարի 22-24-ը Մեծ Բրիտանիայի և Հյուսիսային Իռլանդիայի Միացյալ Թագավորություն գործուղման արդյունքների վերաբերյալ

1. Անունը, Ազգանունը՝

Լևոն Մկրտչյան

2. Ջբաղեցրած պաշտոնը՝

ՀՀ կրթության և գիտության նախարար

3. Գործուղման վայրը և ժամկետները՝

Մեծ Բրիտանիայի և Հյուսիսային Իռլանդիայի Միացյալ Թագավորություն (Լոնդոն),

2018 թվականի հունվարի 22-24-ը:

4. Հրավիրող կողմը՝

Միացյալ Թագավորության կրթության պետքարտուղար

5. Գործուղման նպատակը (աշխատանքային, որ խնդրի լուծման համար էր նախատեսված գործուղումը)՝

Մասնակցություն Կրթության համաշխարհային համաժողովին:

6. Քննարկված թեմաները՝

Համաժողովի ընթացքում տարբեր երկրների կրթության նախարարներ քննարկել են համաշխարհային սոցիալ-տնտեսական զարգացման համատեքստում կրթության որակի բարելավման հիմնահարցերը:

Քննարկվել են նաև կրթության զարգացման ուղղություններն ու մեթոդները, կրթության ոլորտի նոր մարտահրավերները, ստեղծարար մարդ դաստիարակող կրթական համակարգի անհրաժեշտության հետ առնչվող հարցերը, ներկայացվել են լուծումների առաջարկությունները: Ներկայացվել են մասնակից երկրների կրթական համակարգերի առկա վիճակը և զարգացման ռազմավարությունները:

7. Հանդիպումները, ելույթները, բարձրացված կամ քննարկված հարցերը՝

Համաժողովի ընթացքում պաշտոնական հանդիպումներ են ունեցել Բրիտանական խորհրդի ներկայացուցիչների հետ: Քննարկման առանցքում են եղել ուսուցիչների վերապատրաստման գործընթացում առաջավոր փորձն ու մոտեցումները, ինչպես նաև տեղեկատվական տեխնոլոգիաների կիրառման ժամանակակից հնարավորությունները կրթության ոլորտում: Պայմանավորվածություն ձեռք բերվեց Բրիտանական խորհրդի աջակցությամբ Հայաստանում կազմակերպել խորհրդաժողով:

Համաշխարհային բանկի նախաձեռնությամբ՝ Հայաստանում իրականացվող ծրագրերը և հեռանկարները քննարկելու նպատակով, հանդիպում եմ ունեցել ՀԲ-ի կրթության գլխավոր տնօրեն Զայմե Սաավեդրայի հետ: Քննարկման արդյունքում Զ.Սաավեդրան հայտնեց ՀԲ-ի պատրաստակամությունն աջակցելու և մասնակցելու ՀՀ կրթության ոլորտում իրականացվող ԵՄ աջակցության ծրագրերին:

Վրաստանի կրթության և գիտության նախարար Միխայիլ Չխենկելիի հետ հանդիպման ընթացքում քննարկել են կրթական համագործակցության հետ կապված մի շարք հարցեր, մասնավորապես՝ երկու երկրների բարձրագույն կրթության ոլորտի ծրագրերի և մասնագիտական կրթության բնագավառում համագործակցության ընդլայնման մասին:

Երկկողմ համագործակցության հարցեր են քննարկել նաև Չեռնոգորիայի և Ուկրաինայի կրթության և գիտության ոլորտների ղեկավարների հետ: Չեռնոգորիայի նախարար Դամիր Սեովիչի հետ հանդիպման ընթացքում կարևորվել են հանրակրթության ոլորտի, մասնավորապես՝ ուսուցիչների վերապատրաստման համակարգի զարգացման միտումները և իմ կողմից նշվել է, որ Հայաստանում ներկայումս իրականացվում է ուսուցիչների վերապատրաստման և կարողությունների հզորացման համակարգի վերափոխում և այդ առումով միջազգային հաջողված փորձը մեր երկրի համար հետաքրքիր է:

Ուկրաինայի կրթության և գիտության նախարար Լիլյա Գրինևիչին հետ հանդիպման ընթացքում քննարկվել են Եվրոպական Միության «Հորիզոն 2020» ծրագրի շրջանակում երկկողմ համագործակցության զարգացման հնարավորությունները: Անդրադարձ է եղել Արևելյան գործընկերության անդամ երկրների համար «Հորիզոն 2020»-ի կողմից սահմանված մրցութային արտոնյալ պայմաններին: Այս համատեքստում առաջարկել եմ գործնական քայլեր ձեռնարկել համատեղ գիտական դրամաշնորհների հայտեր ներկայացնելու և միասնական աշխատանքային խմբեր ձևավորելու ուղղությամբ:

8. Գործուղվող՝

ՀՀ կրթության և գիտության նախարար Լևոն Մկրտչյան